

სსიპ – შეფასებისა და გამოცდების ეროვნული ცენტრი



ქსელის კაბელების შესყიდვა
გამარტივებული ელექტრონული ტენდერის საშუალებით

(CPV 32421000)

საგარეუდო ღირებულება 120000 ლარი
(დღგ-ს ჩათვლით)

ქ. თბილისი
2016 წელი

სატენდერო დოკუმენტაცია:

1. ტექნიკური დავალება;
2. პრეტენდენტის მიერ სისტემაში ასატვირთი დოკუმენტების ნუსხა;
3. სახელმწიფო შესყიდვების შესახებ ხელშეკრულების პროექტი;
4. დანართი №1 ფასების ცხრილი;
5. დანართი №2 ინფორმაცია საქონლის მიწოდების ვადების შესახებ;
6. დანართი №3 რეკვიზიტები.

ტექნიკური დავალება

1. შესყიდვის ობიექტს წარმოადგენს მაღალი ხარისხის ქსელის კაბელის მიწოდება ცხრილში მითითებული რაოდენობისა და მახასიათებლების შესაბამისად.

№	შესყიდვის ობიექტი	ძირითადი მახასიათებლები	განზომილების ერთეული	რაოდენობა
1	ქსელის კაბელი UTP	კატეგორია 5, გამტარის მასალა - რბილი გამომწვარი ელექტროლიტური სპილენძის მავთული. გამტარის წვერების იზოლაცია - მაღალი სიმტკიცის პოლიეთილენი. გამტარი წვერების დიამეტრი 0.51 მმ. გამტარის დიამეტრი დამცავი გარსით 0.9+ 0.02მმ. კაბელის გარე დიამეტრი 5.1+ 0.2მმ. გარე დამცავი გარსის სისქე 0.4მმ. კაბელის მოკეცვის მინიმალური რადიუსი: კაბელის გარე დიამეტრის ოთხმაგი ოდენობა. 1 (ერთი) კილომეტრი კაბელის წონა მიახლოებით 32 კგ. გამტარის მაქსიმალური წინაღობა 20 გრადუსცელსიუსზე 9.38 ომი/100მეტრზე. წინაღობა 0.772-100 მეგაჰერც სიხშირეზე 85-115 ომი. მაქსიმალური სამუშაო ტევადობა 5.6 ნფ/მეტრი. არანაკლებ 1000 მეტრიანი კოჭებით.	მეტრი	150000

2. შემსყიდველის მოთხოვნის შემთხვევაში, ყველაზე დაბალი ფასის მქონე პრეტენდენტმა არაუგვიანეს 2 სამუშაო დღის განმავლობაში უნდა წარმოადგინოს (მის: ქ. თბილისი მინდელის ქ. №9) შემოთავაზებული ქსელის კაბელის ნიმუში (მინიმუმ 100 მეტრი), რომელიც გაივლის ტესტირება/შემოწმებას სატენდერო დოკუმენტაციის მოთხოვნებთან შესაბამისობის დადგენის მიზნით.

3. იმ შემთხვევაში, თუ წარმოდგენილი ნიმუშის ხარისხი ან/და მახასიათებლები არ შეესაბამება შემსყიდველის მოთხოვნას, მოხდება პრეტენდენტის დისკვალიფიკაცია.

4. თუ ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო ფასიდან გამომდინარე, ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია გამარჯვების შემთხვევაში, ხელშეკრულების გაფორმების მომენტისთვის ერთეულის ღირებულება შეამციროს და დაამრგვალოს მეასედებამდე და წარმოადგინოს შესაბამისი დაზუსტებული ფასების ცხრილი.

საქონლის მიწოდების ვადები და ადგილი

- საქონლის მიწოდება უნდა განხორციელდეს – ხელშეკრულების გაფორმების დღიდან, არაუგვიანეს 2016 წლის 15 მარტისა.
- შესყიდვის ობიექტის მიწოდების ადგილად განისაზღვრება ქ. თბილისი, მინდელის ქ. №9, საქონლის დასაწყობება უნდა მოხდეს მიმწოდებლის ძალებითა და ხარჯებით, შემსყიდველის მიერ მითითებულ ადგილზე.

ანგარიშსწორების ფორმა და ვადები

1. მიმწოდებელთან ანგარიშსწორება განხორციელდება უნაღლო ანგარიშსწორების ფორმით, ეროვნულ ვალუტაში.
2. ანგარიშსწორება მოხდება სსიპ – შეფასებისა და გამოცდების ეროვნული ცენტრის 2016 წლის სახელმწიფო ბიუჯეტით გათვალისწინებული სახსრებიდან.
3. მიმწოდებელთან ანგარიშსწორება განხორციელდება ფაქტიურად მიწოდებული საქონლის შესაბამისად, გაფორმებული მიღება-ჩაბარების აქტის და შესაბამისი საანგარიშსწორებო დოკუმენტაციის წარმოდგენის შემდეგ, 15 სამუშაო დღის განმავლობაში.
4. სატენდერო წინადადებაში საერთო ფასი უნდა მოიცავდეს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ ყველა ხარჯს და საქართველოს კანონმდებლობით გათვალისწინებულ ყველა გადასახადებს.
5. წინასწარი ანგარიშსწორება არ განიხილება.

აფიდავიტი

მიმწოდებელი ვადაცხადებს, რომ გაეცნოს და დაეთანხმოს აფიდავიტის პირობებს, რა სახითაც იგი იქნება წარმოდგენილი სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.

დამატებითი ინფორმაცია

დაინტერესებულ პირებს დამატებითი ინფორმაციის მისაღებად შეუძლიათ მიმართონ:

სსიპ – შეფასებისა და გამოცდების ეროვნული ცენტრის სატენდერო კომისიის აპარატის
წევრს - ნიკოლოზ ქველიძეს - 599 53 99 89.

პრეტენდენტის მიერ სისტემაში ატვირთული სატენდერო წინადადება უნდა შეიცავდეს შემდეგ ინფორმაციას:

- ფასების ცხრილს დანართ №1-ში მოცემული ფორმით, სადაც მითითებული უნდა იყოს შესყიდვის ობიექტის სრული დასახელება, ძირითადი მახასიათებლები, მწარმოებელი ქვეყანა, რაოდენობა, ერთეულის და საერთო ფასი. სატენდერო წინადადების ერთეულის და საერთო ფასები უნდა მოიცავდეს ამ ტენდერით გათვალისწინებული შესყიდვის ობიექტის სრულყოფილად მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;
- ინფორმაციას საქონლის მიწოდების ვადების შესახებ, დანართი №2-ის შესაბამისად;
- პრეტენდენტის სრულ რეკვიზიტებს, დანართი №3-ის შესაბამისად.

1. პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

2. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასის) წარდგენით პრეტენდენტი ავტომატურად გამოხატავს თანხმობას ამ ტენდერით (სატენდერო დოკუმენტაციით) განსაზღვრულ მოთხოვნებზე.

3. ელექტრონული გარანტიის (სავარაუდო ღირებულების 1%) მოქმედების ვადა უნდა იყოს არანაკლებ 120 კალენდარული დღე „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ღ“ ქვეპუნქტით გათვალისწინებული ეტაპიდან.

სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარტივებული პრედენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

სახელმწიფო შესყიდვების შესახებ ხელშეკრულება №

ქ. თბილისი

----- 2016 წელი

ერთი მხრივ, **სსიპ – შეფასებისა და გამოცდების ეროვნული ცენტრი** (შემდგომში „შემსყიდველი“) წარმოდგენილი მისი ----- სახით და მეორე მხრივ, ----- (შემდგომში „მიმწოდებელი“) წარმოდგენილი მისი ----- სახით, „სახელმწიფო შესყიდვების შესახებ“ საქართველოს კანონის და პრედენდენტის (მისი დასახელება) სატენდერო წინადადების საფუძველზე, **№SPA** გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინებს აქვთ შემდეგი მნიშვნელობა

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „შესყიდვის ობიექტი“ – ხელშეკრულების მე-2 მუხლით გათვალისწინებული საგანი.
- 1.7. „ტექნიკური დავალება“ – **№SPA** გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.
- 1.8. „ტექნიკური დოკუმენტაცია“ – მიმწოდებლის მიერ **№SPA** გამარტივებული ელექტრონული ტენდერის სატენდერო წინადადებით წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

მუხლი 2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს გამარტივებული ელექტრონული ტენდერის ტექნიკური დავალებით გათვალისწინებული ქსელის კაბელების მიწოდება (CPV32421000), მიმწოდებლის მიერ სატენდერო წინადადებით წარმოდგენილი ტექნიკური დოკუმენტაციის და ხელშეკრულების პირობების შესაბამისად.

მუხლი 3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს ----- ლარს.
- 3.2. შესყიდვის ობიექტის ერთეულის ღირებულებები მითითებულია ფასების ცხრილში (დანართი №1).
- 3.3. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადებს.

მუხლი 4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში.
- 4.2. შემსყიდველი ხელშეკრულებით განსაზღვრული თანხის გადახდას განახორციელებს სსიპ – შეფასებისა და გამოცდების ეროვნული ცენტრის 2016 წლის სახელმწიფო ბიუჯეტით გათვალისწინებული სახსრებიდან.
- 4.3. მიმწოდებელთან ანგარიშსწორება განხორციელდება ფაქტიურად მიწოდებული საქონლის შესაბამისად, გაფორმებული მიღება-ჩაბარების აქტის და შესაბამისი დოკუმენტაციის (ანგარიშ-ფაქტურა, სასაქონლო ზედნადები) წარმოდგენის შემდეგ 15 (თხუთმეტი) სამუშაო დღის განმავლობაში.

მუხლი 5. შესყიდვის ობიექტის მიღება-ჩაბარების წესი

- 5.1. შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

მუხლი 6. შესყიდვის ობიექტის მიწოდების ადგილი და ვადები

- 6.1 შესყიდვის ობიექტის მიწოდების ადგილად განისაზღვრება ქ. თბილისი, მინდელის ქ. №9. საქონლის დასაწყოება უნდა მოხდეს მიმწოდებლის ძალებითა და ხარჯებით, შემსყიდველის მიერ მითითებულ ადგილზე.
- 6.2 მიმწოდებელი ვალდებულია შემსყიდველს შესყიდვის ობიექტი მიაწოდოს ხელშეკრულების გაფორმების დღიდან არაუგვიანეს _____.

მუხლი 7. მხარეთა უფლება-მოვალეობანი

- 7.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 7.2. შემსყიდველი ვალდებულია:
- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.
- 7.3. შემსყიდველს უფლება აქვს:
- შესყიდვის ობიექტის მიწოდების დასრულებამდე ნებისმიერ დროს მოითხოვოს მიმწოდებლისაგან მისთვის საჭირო ინფორმაცია.
 - განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
 - შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.
- 7.4. მიმწოდებელი ვალდებულია:
- დაიცვას ხელშეკრულებით გათვალისწინებული ყველა პირობა;
 - დროულად, ჯეროვნად, ხარისხიანად, მაღალკვალიფიციურად და სრულად შეასრულოს ხელშეკრულებით ნაკისრი ვალდებულებები;
 - მიაწოდოს შემსყიდველს ნივთობრივად და უფლებრივად უნაკლო შესყიდვის ობიექტი.
- 7.5. მიმწოდებელს უფლება აქვს:
- მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

მუხლი 8. დავები და მათი გადაწყვეტის წესი

- 8.1. მხარეთა შორის წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

8.2. პირველი ინსტანციის სასამართლოს მიერ მიღებული გადაწყვეტილება უნდა მიექცეს დაუყოვნებლივ აღსასრულებლად.

მუხლი 9. ხელშეკრულებით ნაკისრი ვალდებულებების შესრულების ინსპექტირება

9.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

9.2. ხელშეკრულების 9.1 პუნქტით გათვალისწინებულ კონტროლს (ინსპექტირებას) და მიღება-ჩაბარების აქტის გაფორმებას შემსყიდველის მხრიდან განახორციელებს -----
-----.

9.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 10. პირგასამტეხლო ხელშეკრულების პირობების შეუსრულებლობისათვის

10.1. ხელშეკრულების 6.2. პუნქტით გათვალისწინებული ვადის გადაცდენის შემთხვევაში ყოველ დაგვიანებულ დღეზე მიმწოდებელს ეკისრება პირგასამტეხლო ხელშეკრულების ღირებულების 0.1 %-ის ოდენობით.

10.2. იმ შემთხვევაში თუ, პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შეწყვეტის მომენტისთვის გადასახდელი პირგასამტეხლოს ანაზღაურება და არ აუნაზღაუროს მიმწოდებელს შეუსრულებელი ვალდებულების ღირებულება და მოითხოვოს დამატებით პირგასამტეხლო, ხელშეკრულების ღირებულების 10%-ის ოდენობით.

10.3. მიმწოდებელი ვალდებულია დაფაროს პირგასამტეხლო შემსყიდველის წერილობითი მოთხოვნიდან არაუგვიანეს 10 (ათი) დღის ვადაში.

10.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 11. ფორს-მაჟორი

11.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;

11.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ ცალმხრივად შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

მუხლი 12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეებს წარმოეშობათ რაიმე ხელშემშლელი გარემოებები, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

მუხლი 13. ხელშეკრულებაში ცვლილების შეტანა და ხელშეკრულების შეწყვეტა

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულებების პირობების გადასინჯვა ხდება საქართველოს კანონმდებლობით დადგენილი წესით.

13.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13.4. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია საქონლის ან მისი ნაწილის მოწოდება;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის გაკოტრების შემთხვევაში;

ე) საქართველოს კანონმდებლობით გათვალისწინებულ სხვა შემთხვევებში.

13.5. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

13.6. მხარე ვალდებულია 13.4. და 13.5 პუნქტებით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით შეატყობინოს მეორე მხარეს.

13.7. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

13.8. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

მუხლი 14. ხელშეკრულების მოქმედების ვადა

14.1. ხელშეკრულება ძალაში შედის მხარეთა მიერ მასზე ხელმოწერის მომენტიდან და მოქმედებს 2016 წლის ————— ჩათვლით.

მუხლი 15. სხვა პირობები

15.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა. ხელშეკრულების ორი ეგზემპლარი

ინახება შემსყიდველთან და ერთი ეგზემპლარი მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 16. მხარეთა იურიდიული მისამართები და რეკვიზიტები

შემსყიდველი:

მიმწოდებელი:

სსიპ – შეფასებისა და გამოცდების
ეროვნული ცენტრი
ქ.თბილისი, მინდელის ქ. №9
ს/კ: 202198727
სახელმწიფო ხაზინა
ანგარიშის №200122900

დირექტორი:

ფასების ცხრილი

პრეტენდენტის დასახელება -----

№	შესყიდვის ობიექტი	ძირითადი მახასიათებლები	მწარმოებელი ქვეყანა	რაოდენობა	ერთეულის ფასი (ლარი)	საერთო ფასი (ლარი)
1	ქსელის კაბელი UTP			150000 მეტრი		
	ჯამი, დღგ-ს ჩათვლით					

პრეტენდენტის ხელმოწერა და ბეჭედი -----

ინფორმაცია

შესყიდვის ობიექტის მიწოდების ვადების შესახებ

შესყიდვის ობიექტის სრული რაოდენობით მიწოდებას, შემსყიდველის მიერ მითითებულ ადგილზე ვუზრუნველყოფთ, ხელშეკრულების გაფორმების დღიდან, არაუგვიანეს 2016 წლის -----.

პრეტენდენტის ხელმოწერა და ბეჭედი -----

შენიშვნა:

შემოთავაზებული ვადა არ უნდა იყოს სატენდერო დოკუმენტაციით მოთხოვნილ ვადაზე მეტი.

რეკვიზიტები:

პრედენდენტის დასახელება:

ხელმძღვანელის სახელი და გვარი:

პრედენდენტის იურიდიული მისამართი:

პრედენდენტის ფაქტიური მისამართი:

საიდენტიფიკაციო კოდი:

პრედენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი: